

第二章 樓蘭國歷史略述

樓蘭國創始於何時，記載缺乏，無可徵信。但其名稱之初見於中國載記者，以漢司馬遷史記爲首。漢文帝四年（公元前一七六年）匈奴冒頓單于遺漢文帝書云：『樓蘭、烏孫、呼揭、及其旁二十六國（按當作三十六國，「二」字恐誤。）皆以爲匈奴。』此爲記錄樓蘭名稱之始。然此時中國人對西域諸國情形尙不明晰。中國人之首認識西域諸國始於張騫。張騫在漢武帝建元三年（公元前一〇四年）奉使西域，元朔三年（公元前一二六年）返漢，俱以所過及傳聞西域各國情形，還言於武帝。司馬遷著史記，據之以作大宛傳。如云：『樓蘭姑師邑有城郭，臨鹽澤。』是爲記錄樓蘭國之始。中國人知有樓蘭國亦自司馬遷始也。在史記以前若山海經，雖述河水入泐澤事，然未提及樓蘭。水經注引姜賴國之傳說，語多虛誕，未足取信。故述羅布區域歷史，當以史記所述樓蘭爲始。（英國斯坦因於一九〇六年在樓蘭遺址中所發現之佉盧文字（Karoshthi）中有“Kroraina”一詞，想爲本名，則史記「樓蘭」二字，必爲譯音。）及武帝以後，宣元之際，中西交通頻繁，西域各國情形益臻翔實。後漢班固作漢書，西域各國別爲一卷，而鄯善國卽樓蘭特立專傳以誌其事蹟，後之作史者均相沿不改，而樓蘭國歷史差可考述。今本近世出土之文書，參稽古籍，述其歷史如下：

一、鄯善國之初起及最盛時期 試讀漢書匈奴傳，在匈奴冒頓爲單于時，中國勢力逐漸向西北發展。然在中國西北邊外：東爲東胡，西有月氏，北與匈奴，爲中國邊外三大敵國。時匈奴在陰山以北，今綏遠一帶；而月氏居於敦煌、祁連間，最爲強大。烏孫等民族均爲其役屬。樓蘭僻處蒲昌海西岸，與月氏爲隣，是否服屬月氏，或有親屬關係，雖無明文可考，然當與月氏有交往。月氏西遷，疑亦假道樓蘭國境也。及秦二世元年，匈奴冒頓爲單于，勢漸強。北滅東胡，西走月氏，奠定西域二（三）十六國。據漢文帝四年冒頓所遺文帝書稱：『樓蘭烏孫屬匈奴。』則當時匈奴勢力已達西域各國卽今新疆之西北隅矣。時月氏、烏孫已相繼西遷。匈奴疆域右方，直至